

Thíos tá pleananna taiséaláiocha tosaigh do
Lárionad Náisiúnta na Gaeilge.




Ciste an Tionscadail,
Fondúireacht na Gaeilge Teo.,
43 Páirc Theampall Ruáin,
Baile Átha Cliath 16



LÁRIONAD NÁISIÚNTA NA GAEILGE

Tacaigh le Tionscadal 16!

Ag cur Gaeilge ar ais i gcroílár shaol na nGael



tionscadal16;

tionscadal16;

Is feachtas uailmhianach idirnáisiúnta é **Tionscadal 16** ar chuir Fondúireacht na Gaeilge agus Conradh na Gaeilge tús leis chun Lárionad Náisiúnta na Gaeilge a bhunú i mBaile Átha Cliath. **Tionscadal 16** atá tugtha ar an bhfeachtas mar go bhfuil sé mar aidhm againn an Lárionad a oscailt i gcoilár Bhaile Átha Cliath faoi Cháisc 2016, mar chomóradh ar chéad bliain ó Éirí Amach na Cásca 1916.

De réir an daonáirimh is déanaí (2006), tá leibhéal éigin cumais i labhairt na Gaeilge ag beagnach 41% den daonra, ó chainteoirí líofa go daoine le cúpla focal; tá os cionn 400,000 duine i gCathair agus i gContae Bhaile Átha Cliath astu féin san áireamh sa chatagóir seo. Tá níos mó tuismitheoirí in aghaidh an lae ag roghnú scoileanna Gaeilge dá gclann agus leanann TG4, Raidió na Gaeltachta, Raidió na Life agus Raidió Rí Rá ag cur sár-sheirbhís chraoltóireachta ar fáil trí Ghaeilge. Tá sé

soiléir, mar sin, go bhfuil an-chion ag go leor Éireannach ar ár dteanga dhúchais, ceann de na teangacha is sine san Eoraip, agus tá siad an-bhródúil aisti.

Bíodh sin mar atá, d'ainneoin suim na ndaoine sa teanga a bheith ag dul i méid, tá an Ghaeilge fós beagnach dofheicthe i bpríomhchathair na tíre. Táimid ag iarraidh é sin a athrú. Creidimid go bhfuil éileamh soiléir, agus riachtanas atá ag dul i méid in aghaidh an lae, do lárionad cultúrtha agus sóisialta Gaeilge i bpríomhchathair na tíre seo. Cinnteoidh lárionad buan go gcuirfear an Ghaeilge ar ais i gcoilár na príomhchathrach ar bhealach bríomhar, taitneamhach agus spriocdhírthe agus go meallfaidh sé freisin cainteoirí nua Gaeilge. Chomh maith leis sin, cuirfidh sé ionad ar fáil do chainteoirí óga Gaeilge a bhíonn de shíor ag gearán nach mbíonn ach fíorbheagán deiseanna acu an teanga a labhairt tar éis dóibh an scoil a fhágáil.

Tá **Tionscadal 16** ar cheann de na tionscadail is mó ar thug pobal na Gaeilge faoi riamh, gan trácht ar an gcostas a bhainfidh leis - **€10 milliún** a mheastar! Ní haon dóithín an obair seo, go háirithe faoi mar atá cúrsaí eacnamaíochta sa lá atá inniu ann, ach ní bhíonn néal gan ghealán agus creidimidne nach bhféadfaí am níos fearr a roghnú chun luach ar airgead a fháil ar ionad mar seo a fhorbairt i gCathair Bhaile Átha Cliath. Chun an méid sin a bhaint amach teastaíonn do chúnamhsa uainn! Mar a deir an seanfhocal, 'Ní neart go cur le chéile'. Tá súil againn go saothróidh sibhse, mar chainteoirí Gaeilge agus mar dhaoine a bhfuil grá agaibh don teanga, linne agus muid ag iarraidh an chéim ríthábhachtach seo a thógáil chun an Ghaeilge a chur chun cinn i mBaile Átha Cliath agus go náisiúnta.

Tá tuilleadh eolais ar fáil ar www.fnag.ie

CÉARD Í AIDHM AN LÁRIONAID?

- Déanfaidh Lárionad Náisiúnta na Gaeilge freastal go sonrach ar phobal na Gaeilge agus orthu siúd atá ag foghlaim na Gaeilge (lena n-áirítear scoláirí dara agus tríú leibhéal) trí réimse iomlán áiseanna cultúrtha agus sóisialta a chur ar fáil i dtimpeallacht Ghaeilge.
- Cuirfidh sé áiseanna ar fáil don phríomhchathair i lárionad cultúrtha ilchuspóra amháin.
- Feidhmeoidh sé mar ionad ceannais na Gaeilge i mBaile Átha Cliath, ag cur fócas soiléir, láidir ar fáil do ghníomhaíochtaí Gaeilge sa phríomhchathair agus ag cur tacaíochta ar fáil do Ghaeilgeoirí ar fud na tíre agus an domhain.

CAD IAD NA SEIRBHÍSÍ A CHUIRFEAR AR FÁIL?

Cuirfear réimse leathan seirbhísí agus áiseanna ar fáil, lena n-áireofar:

- Spás ilchuspóra do dhrámaí, do cheolchoirmeacha, do phictiúrlann, do chomhdhálacha, do thaispeántais agus do thionscadail chultúrtha eile.
- Seomraí cruinnithe/ranga/ceardlainne.
- Áiseanna do chlubanna óige agus do ghníomhaíochtaí don óige.
- Naíolann agus naíonra.
- Club Chonradh na Gaeilge.
- Siopa leabhar/closamhairc.
- Beár agus bialann.
- Stiúideonna raidió agus teilifíse.

- Oifigí d'eagraíochtaí Gaeilge agus do ghníomhaíochtaí eile de réir mar a fhorbraíonn an t-éileamh.
- Ardoifig Chonradh na Gaeilge.

CÉ DÓ AN T-IONAD?

- Do phobal na Gaeilge i mBaile Átha Cliath agus ar fud na tíre.
- Dóibh siúd atá ag foghlaim na Gaeilge, go háirithe daoine óga.
- Dóibh siúd a bhfuil tuiscint éighníomhach acu ar an nGaeilge.
- Do dhaltáí scoile, ach go háirithe an idirbhliain.
- D'aon duine a bhfuil suim acu sa Ghaeilge, sa bhaile agus thar lear.

CÁ MBEIDH SÉ LONNAITHE? CÉ CHOMH MÓR IS A BHEIDH SÉ?

Chun a chinntiú go mbeidh teacht éasca ar an lárionad, ní mór dó a bheith lonnaithe i gceartlár chathair Bhaile Átha Cliath idir an Rotunda agus Faiche Stiabhna. Measaimid go mbeidh 1500 méadar cearnach ag teastáil.

NÍ NEART GO CUR LE CHÉILE!

GO RAIBH MAITH AGAT.

FONDÚIREACHT NA GAEILGE Teo

Guthán: 00353 (0) 87 244 45 93
Rphost: Eolas@fnag.com
suíomh: www.fnag.ie



FONDÚIREACHT
NA GAEILGE TEO



Conradh na Gaeilge